



U ovom broju:

- ➔ **ODRŽANA 12. SJEDNICA
OPĆINSKOG VIJEĆA**
- ➔ **REALIZACIJA KAPITALNIH PROJEKATA**
- ➔ **ZIMSKO ODRŽAVANJE PUTEVA**
- ➔ **OBILJEŽEN 9. SEPTEMBAR –
DAN OSLOBOĐENJA OD FAŠIZMA**
- ➔ **POSJETE OPĆINI TEŠANJ**
- ➔ **POKLONI ZA 514 NOVIH UČENIKA**
- ➔ **MLADI**
- ➔ **IZ RADA MJESNIH ZAJEDNICA**



OPĆINA TEŠANJ

Trg Alije Izetbegovića 1

www.opcina-tesanj.ba

e-mail: optesanj@bih.net.ba





OPĆINA TEŠANJ

Program obilježavanja 25. novembra - Dana državnosti BiH

U okviru Programa obilježavanja 25. novembra - Dana državnosti BiH u Tešnju će biti upriličeni sljedeći sadržaji:

24. novembar (petak)

11:00 sati - Radionica za učenike osnovnih škola:

likovni radovi, literarni radovi i kviz na temu

„Moja domovina BiH“ – JU Opća biblioteka



16:00 sati - Program učenika srednjih

škola „Mojoj dragoj BiH“ - velika sala JU Centar za

kulturu i obrazovanje

25. novembar (subota)

15:00 sati - Polaganje cvijeća na Centralno

spomen obilježje u Tešnju

15:30 sati - Tribina: „Džemal Bijedić i državnost

Bosne i Hercegovine“ – (Dan državnosti BiH i 100

godina od rođenja Džemala Bijedića), dr. Husnija

Kamberović - mala sala JU Centar za kulturu i

obrazovanje



OPĆINSKI NAČELNIK
mr. sc. Suad Huskić



Pozivamo građane da prisustvuju ovim događajima.



biLTen tešanjski

Interno informativno glasilo

Godina XVII
septembar/rujan 2017.
Broj 74



Izdaje: **OPĆINA TEŠANJ**

Redakcija:

Edina Kadušić, Samir Brka,

Kanita Gredelj i Bahrudin Nočić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 1

74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa: **Grafik-komerc**

SREDNJOŠKOLCI U OPĆINI TEŠANJ

U okviru projekta *Socijalni dan 2017* Općinu Tešanj je posjetilo osam srednjoškolaca koji su upoznati sa osnovnim podacima i radom Općine Tešanj, a nakon toga i sa konkretnim poslovima općinske administracije.

Ovakvi projekti služe da se rad Općine Tešanj približi učenicima i da određena iskustva posluže kao informacija kod nastavka školovanja. Mladi su iskazali zadovoljstvo jer su imali priliku vidjeti koje poslove obavljaju službenici u Općini Tešanj, a za koje ranije nisu imali dovoljno informacija.



PROGLAŠENI NAJBOLJI POLJOPRIVREDNICI U 2017. GODINI

U organizaciji Zemljoradničke zadruge *Kapi života* održana je peta po redu manifestacija Izbor naj poljoprivrednika općine Tešanj. Podrška razvoju poljoprivrede našeg kraja ogleda se u kontinuiranim općinskim poticajima, sajamskim potporama, edukativnim emisijama.

Ove godine za najbolje su proglašeni:

Animalna proizvodnja:

1. Kotorić Benjamin - Jelah (76.996 l mlijeka)
2. Hodžić Zihnija - Tešanjka (51.775 l mlijeka)
3. Mudrov Salko - Piljužići (20 grla-tov junadi)

Biljna proizvodnja:

1. Muslija Fehim - Šije (4.225, 13 kg maline)
2. Bašić Jasminka - Novi Miljanovci (2.850 kg malina)
3. Trepčić Adem – Šije (9.092 kg krastavci)

Posebna nagrada dodijeljena je učeniku srednje škole Balić Kenanu iz Šija, koji je sa svojim mlađim bratom uzgojio 7 tona kornišona.

Nagrade je obezbjedila Općina iz sredstava za unapređenje primarne poljoprivredne proizvodnje u 2017. godini.



NACRT BUDŽETA OPĆINE TEŠANJ ZA 2018. GODINU

* Nacrt Budžeta Općine Tešanj za 2018. godinu razmatran je na 12. sjednici Općinskog vijeća Tešanj održanoj 31. oktobra 2017. godine. Nacrt je prihvaćen i upućen u javnu raspravu.

* Budžet u nacrtu iznosi 17.620.000 KM.

* Po završetku javne rasprave sačinjit će se izvještaj o provedenoj raspravi sa pregledom svih iskazanih prijedloga i primjedbi. Na bazi tih prijedloga i primjedbi bit će sačinjen konačan prijedlog Budžeta.

* Predstojeći prijedlog Budžeta će sadržati programsko budžetiranje, elemente vezane za Strategiju Općine, te budžet raspoređen po budžetskim korisnicima iz općinskog Registra.

* Planirana je ponovna izrada Budžeta za građane kao svojevrsnog vodiča koji na jednostavan način prikazuje kako se planira prikupiti i trošiti novac iz Budžeta Općine za narednu godinu.



* Nacrtom je predviđeno izdvajanje u kapitalni dio Budžeta više od 8 miliona KM, što čine preko 45% ukupnog Budžeta. Najznačajnije ulaganje Budžeta Općine za 2018. godinu čini nastavak radova na Projektu prikupljanja, odvodnje i prečišćavanja otpadnih voda. Naredna faza ovog Projekta planirana je u visini od 3,5 miliona KM. Pored toga, planirana su sredstva za nastavak gradnje sportskih dvorana za potrebe 4 osnovne škole, uređenje industrijskih zone, vodosnabdijevanje i mnogih drugih projekata direktno lociranih u Budžetu ili kroz liste kapitalnih ulaganja.

* Visina i struktura prihodovne i rashodovne strane Budžeta je iskazana u sljedećem tabelarnom pregledu:

R. br.	Grupa prihoda i primitaka	Nacrt za 2018. godinu	Procent ualno učešće
1	2	3	4
1.	Direktni porezi	2.596.000	14,73%
2.	Indirektni porezi	4.720.000	26,79%
3.	Neporezni prihodi	2.747.000	15,59%
4.	Tekući grantovi	1.120.000	6,36%
5.	Kapitalni grantovi i primici	2.687.000	15,25%
6.	Prenesena sredstva	850.000	4,82%
7.	Kreditna sredstva	2.900.000	16,46%
SVEGA PRIHODI I PRIMICI		16.781.000	100%

R. br.	Grupa rashoda i izdataka	Nacrt za 2018. godinu	Procent ualno učešće
1	2	3	4
1.	Sredstva za plate i naknade	2.498.000	14,18%
2.a	Direktni materijalni rashodi Organa uprave	993.000	5,64%
2.b	Ostale usluge za opštredruštvene potrebe	1.856.000	10,53%
3.	Tekući grantovi, kamate i sredstva rezervi	4.139.000	23,49%
4.	Kapitalni grantovi (transferi) i izdaci	8.034.000	45,60%
5.	Povrat sredstava finansiranja	100.000	0,57%
SVEGA RASHODI I IZDACI		16.781.000	100%

* Struktura prihodovne i rashodovne strane Budžeta iskazana je u sljedećem grafičkom prikazu:



ODRŽANA 12. SJEDNICA OPĆINSKOG VIJEĆA

U sali Općinskog vijeća, u utorak, 31. oktobra sa početkom u 14,00 sati održana je 12. sjednica Općinskog vijeća, sa predloženim dnevnim redom:

1. Prijedlog Odluke o izmjenama i dopunama Odluke o komunalnom redu i sanitarnom minimumu,
2. Prijedlog Odluke o uspostavi Registra mjesnih zajednica na području općine Tešanj,
3. Prijedlog Odluke o prodaji zemljišta neposrednom pogodbom- Trafo stanica u Rosuljama,
4. Prijedlog Odluke o davanju saglasnosti za prenos prava na nekretnini radi izgradnje ambulante u Piljužićima,
5. Nacrt Strategije razvoja općine Tešanj 2018-2022,
6. Nacrt Budžeta općine Tešanj za 2018. godinu,
7. Nacrt Odluke o zaštiti izvorišta vode za piće Mekiški potok i Trebačka rijeka na području općine Tešanj,
8. Nacrt Odluke o lokalnim i nerazvrstanim cestama na području općine Tešanj,
9. Izvještaj o izvršenju Budžeta za period januar-septembar 2017. godine,
10. Prijedlog Rješenja o imenovanju Komisije za promet nekretnina.

Tokom sjednice, najviše rasprave je bilo oko 5. tačke dnevnog reda - Nacrta Strategije razvoja općine Tešanj 2018-2022, koju je Vijeće, nakon dodatnih pojašnjenja usvojilo i uputilo u javnu raspravu. Također, Vijeće je raspravljalo i ostalim tačkama dnevnog reda i završilo sa radom u 17,35 sati.



STRATEGIJA RAZVOJA OPĆINE TEŠANJ 2018-2020

Općinsko vijeće Tešanj je na 12. sjednici održanoj 31. oktobra 2017. godine, usvojilo Nacrt Strategije općine Tešanj 2018-2022. godina i uputilo ga u javnu raspravu. Radi se o novom strateškom planu za srednjoročni period, pri čemu se vodilo obzira o planiranim ili započetim projektima u postojećoj Strategiji.

Općinsko vijeće je na 7. sjednici, održanoj 27. aprila 2017. godine, donijelo Rješenje o imenovanju Razvojnog tima za izradu Strategije razvoja općine Tešanj za period 2018-2022. godina.

Razvojni tim ima 17 članova, a vođa tima je Fuad Šišić.

U okviru procesa izrade integrisane Strategije razvoja, Razvojni tim je imao zadatke:

- Identificiranje i uključivanje lokalnih aktera, analiza stanja i definisanje strateške platforme;
- Koordiniranje rada sektorskih radnih grupa pri izradi sektorskih razvojnih planova;
- Izrada plana Implementacije razvojne Strategije;
- Izrada indikativnih sektorskih finansijskih planova i generalnog finansijskog plana;
- Izrada plana razvoja organizacionih kapaciteta i ljudskih potencijala za implementaciju Strategije.

Prilikom rada na nacrtu Strategije razvoja, radni tim se rukovodio Metodologijom za integrirano planiranje lokalnog razvoja u BiH (miPRO metodologija).

Sve informacije su dostupne na web stranici Općine Tešanj www.opcina-tesanj.ba

Dodatne informacije možete dobiti i putem e-maila:

strategija@opcina-tesanj.ba ili na telefon broj: 032 650 – 022



DELEGACIJA VLADE ZENIČKO-DOBOJSKOG KANTONA POSJETILA GRADILIŠTA ČETIRI ŠKOLSKE SALE ZA 1.600 UČENIKA

Delegacija Vlade Zeničko – dobojskog kantona, koju su činili Premijer Miralem Galijašević, ministar obrazovanja, nauke, kulture i sporta Mensur Sinanović i ministar poljoprivrede, vodoprivrede i šumarstva Himzo Smajić, posjetila je zajedno sa Općinskim načelnikom Suadom Huskićem i Zastupnikom u državnom Parlamentu BiH Šemsudinom Mehmedovićem gradilišta školskih sala na području općine Tešanj.

Radi se o gradnji četiri školske sale za izvođenje nastave tjelesnog odgoja u Šijama, Kaloševiću, Jablanici i Miljanovcima čiju izgradnju zajednički finansiraju ZDK i Općina Tešanj.

Prva faza je završena 2016. godine, kada su urađeni temelji. Ove godine planirana je druga faza koja uključuje montažu školskih sala od prefabrikovanih elemenata. Ukupna sredstva koja su uložena za ove četiri školske sale u prošloj i ovoj godini iznose 520.000 KM.

Sretan sam da će 1.600 učenika u ove četiri škole na području općine Tešanj imati bolje uslove za nastavu tjelesnog odgoja. Odlučni smo da nastavimo gradnju ovih objekata, te je današnja zajednička posjeta iskorištena kako bismo na licu mjesta vidjeli kako napreduje gradnja, ali i da razgovaramo o nastavku saradnje na ovim objektima, kazao je Općinski načelnik Suad Huskić.

U projekat gradnje školske sale u Šijama uključila se i mjesna zajednica vlastitim sredstvima, dok je u izgradnju krova za preostale tri dvorane, planirano uključivanje sredstava UNDP-a kroz projekat Jačanje uloge mjesnih zajednica u BiH.

Želim naglasiti da sa Općinom Tešanj imamo jako dobru saradnju, svi planirani projekti budu unaprijed najavljeni, što nam olakšava posao. Gradnja ove četiri školske sala je jako dobar primjer kako uključiti i druge u realizaciju projekata na lokalnom nivou, kazao je Premijer ZDK Miralem Galijašević.

Premijer Galijašević posjetio je građevinske radove na još dva infrastrukturna projekta, koje zajednički finansiraju ZDK i Općina Tešanj – most Lejle Mulalić na rijeci Usori u Jelahu, čija gradnja je planirana sljedeće godine, i gradilište u Jelah polju, gdje je u toku izgradnja novog bunara za vodu.



DELEGACIJA ČEŠKE AMBASADE POSJETILA TEŠANJ

Delegacija Češke ambasade i Češke razvojne agencije posjetila je općinu Tešanj, i ovom prilikom se susrela sa Općinskim načelnikom i predstavnicima Agencije za razvoj općine Tešanj.

Povod posjete je završeni projekat dodjele 50 plastenika za najugroženije grupe stanovništva na području općine Tešanj. Radi se o projektu koji je finsirala Češka razvojna agencija, a zajednički implementirali Agencija za razvoj općine Tešanj i firma Geotest.

Tokom posjete Tešnju, direktor Češke agencije za razvoj Pavel Frelich uručio je direktoru TRA Agencije certifikat za plastenike. Nakon sastanka u Općini Tešanj, delegacija je posjetila teren i korisnike projekta.



NOVI BUNAR U JELAH POLJU



U toku su radovi na gradnji novog bunara u Jelah polju – gradnja cjevovoda od bunara do postojeće mreže, a slijedi i gradnja kućice, postavljanje pumpi i ograđivanje. Ugovor je potpisan u decembru 2016. godine, ali su radovi kasnili zbog rješavanja imovinskih odnosa. Vrijednost ugovorenih radova je 200.000 KM, a izvođač radova je firma Inter d.o.o. Tešanj. Plan je da naredne godine ovaj bunar bude u p u n o j f u n k c i j i . Trenutno, KP Rad isporučuje oko 4800 kubika vode ili 55 l/s dnevno za oko 6600 priključaka.

POKLONI ZA 514 NOVIH UČENIKA

Povodom početka nove školske godine, Općinski načelnik Suad Huskić posjetio je osnovne škole sa područja općine Tešanj i ovom prilikom učenicima koji kreću u prvi razred osnovne škole uručio prigodne poklone, koji u sebi sadrže artikle potrebne svakom učeniku.

Kao i prethodne dvije godine, učenike koji kreću u prvi razred obradovali smo skromnim poklonima i zaželjeli im puno uspjeha u školovanju. Ovo je važan dan u životu svakog i svi se mi, neko sa više ili manje sreće,

sjećamo prvih dana u školi. Danas ćemo posjetiti sve škole na prostoru općine Tešanj, kazao je Općinski načelnik Suad Huskić.

U školskoj 2017/2018. godini u devet osnovnih škola sa područja općine Tešanj upisano je 514 novih učenika, i svi oni će dobiti poklon paket.

Danas je i Vlada ZDK uplatila sredstva za nabavku udžbenika za djecu iz reda boračkih populacija.



UGOVOR ZA ASFALTIRANJE SAOBRAĆAJNICE U POSLOVNOJ ZONI GLINIŠTE

Nakon provedene procedure javne nabavke, Općinski načelnik Suad Huskić i direktorica firme *Dobojputevi dd* Doboj Jug Saća Prnjavorac potpisali su ugovor za *Asfaltiranje saobraćajnice I u Poslovnoj zoni Glinište u Jelahu*. Dužina saobraćajnice je 1250m, a vrijednost ugovora je 248.935,29 KM sa PDV-om.



RADNA POSJETA UNIJI OPĆINA TURSKOG SVIJETA

Općinski načelnik Suad Huskić je u sklopu delegacije koju su činili 16 načelnika i gradonačelnika iz Bosne i Hercegovine, boravio u radnoj posjeti Uniji općina turskog svijeta. Tokom boravka u Turskoj, delegacija je posjetila Parlament Republike Turske gdje ih je ugostio član parlamenta Republike Turske zadužen za lokalne zajednice. Također su se sastali sa direktorima Turske razvojne agencije (TIKA-e) i Razvojne agencije Ankare sa kojima je razgovarano o podršci razvojnim projektima ovih lokalnih zajednica.

Održani su i sastanci sa načelnicima općina Altıntaş i Kecioren na kojima je razgovarano o najboljim praksama u lokalnim zajednicama i modelima urbanizacije koje općine i gradovi u Turskoj provode u zadnjih deset godina, te načinu rješavanja problema sličnih onima kakve imaju općine i gradovi u BiH.



Delegacija bosanskohercegovačkih načelnika i gradonačelnika sastala se i sa Ministrom ekonomije Republike Turske Nihatom Zeybekcijem, a upriličena je i večera sa Gradonačelnikom Istanbula Kadir Topbas, na kojoj je prisustvovalo i oko 20 načelnika turskih općina.

Delegacija bosanskohercegovačkih načelnika i gradonačelnika sastala se i sa Ministrom ekonomije Republike Turske Nihatom Zeybekcijem, a upriličena je i večera sa Gradonačelnikom Istanbula Kadir Topbas, na kojoj je prisustvovalo i oko 20 načelnika turskih općina.

AKUELNI PROJEKTI NA PODRUČJU OPĆINE TEŠANJ

ZAVRŠENO ASFALTIRANJE PUTA RASTOKE



Završeno je asfaltiranje puta *Rastoke* u MZ Jelah u dužini od cca 1000 metara.

Projekat su finansirali Direkcija za ceste ZDK i Općina Tešanj.

Izvođač radova je firma *Dobojputevi d.d.*

Doboj Jug.

IZGRADNJA SAOBRAĆAJNICE U MZ ŠIJE



U toku je realizacija projekta *Izgradnja i asfaltiranje saobraćajnice - izlaz na magistralni put M-17* u MZ Šije.

Planirani radovi su dio projekta koji obuhvataju i sanaciju klizišta *Put-Šije*.

Izvođač radova je firma *Hajdić d.o.o.* Maglaj.

IZGRADNJA SAOBRAĆAJNICE U LJETINIĆU



U toku je realizaciji projekta izgradnje saobraćajnice u Ljetiniću.- izgradnja 1.000 metara saobraćajnice i odvodnja oborinske vode.

Projekat se finansira zajedničkim učešćem privrednika i Općine Tešanj.

Izvođač radova je firma *Dobojputevi d.d.* Doboj Jug.

ZIMSKO ODRŽAVANJE LOKALNIH PUTEVA I GRADSKIH ULICA



Nakon uspješno završene procedure javne nabavke, Općinski načelnik Suad Huskić potpisao je ugovore za zimsko održavanje lokalnih puteva i gradskih ulica na području općine Tešanj za sezonu 2017/2018. godinu. Ugovori su potpisani sa firmama *AB trans d.o.o. Tešanj, KM gradnja d.o.o. Tešanj, Dobojputevi d.d. Doboj Jug, Trans kop d.o.o. Tešanj* i *JKP RadTešanj*.

Općina Tešanj će u narednim danima nastaviti ugovaranja za održavanje nekategorisanih cesta u mjesnim zajednicama, te očekujemo da ćemo do kraja oktobra imati ugovoreno održavanje oko 300 kilometara lokalnih puteva, kazao je Općinski načelnik Suad Huskić.

Potpisivanjem ovih ugovora obuhvaćeno je održavanje lokalnih puteva i gradskih ulica, ukupne dužine 103,33 km. Vrijednost potpisanih ugovora je 209.228,44 KM.

VODOVOD MEDAKOVO-TREPČE: Priključeno 325 domaćinstava

Općinski načelnik Suad Huskić i Direktor KP Rad d.o.o. Tešanj Mirsad Šaranović potpisali su ugovor o puštanju u probni rad vodovoda Medakovo-Trepče. Voda je puštena u dijelove sistema i završenih 325 kućnih priključaka.

Potpisali smo ugovor o probnom radu vodovoda Medakovo-Trepče za 456 domaćinstava, od čega je 325 završeno i u narednim danima će dobiti vodu, a nastavljamo raditi na preostalim priključcima. Do sada je u izgradnju ovog vodovoda potrošeno oko 1.750.000 KM i to su zajednička sredstva Zeničko-dobojskog kantona, Općine Tešanj i učešća građana, kazao je Općinski načelnik Suad Huskić.

U toku probnog rada vršit će se dezinfekcija rezervoara i vodovodne mreže, testiranje funkcionalnosti pumpnih postrojenja, kontrola vodovodne mreže i vodovodnih priključaka. U toku radova na ispiranju i dezinfekciji cjevovoda, voda neće biti za piće.

Također, održan je i sastanak sa predstavnicima Građevinskog odbora, kao i predstavnicima mjesnih zajednica Medakovo i Trepče, koji će na terenu zajedno sa predstavnicima KP Rad davati operativne informacije građanima.



REALIZACIJA PROJEKATA U MZ ORAŠJE PLANJE

U toku su radovi na realizaciji dva projekta u MZ Orašje Planje. Izgradnja vodovoda za područnu školu Planje koji se finansira sredstvima Ministarstva za obrazovanje, nauku, kulturu i sport ZDK i Općine Tešanj. Izvođač radova je firma *Heldovac d.o.o.* Žepče. Dogradnja doma u MZ O. Planje koji je na Listi kapitalnih projekata i finansira se sredstvima iz općinskog Budžeta. Izvođač radova je firma *Geo-put d.o.o.* Maglaj.



ASFALTIRANA DIONICA PUTA U MZ TEŠANJ

Završeno je asfaltiranje dionice puta Raskrsnica Bunar-Sejmenpolje u MZ Tešanj. Izgradnjom ovog dijela puta završena je kompletna dionica puta LC-8 Marin Han-Raduša.

Sredstva za realizaciju su obezbijedena učešćem građana, privrednika i iz općinskog Budžeta.

Izvođač radova je firma *Dobojputevi d.d.* Doboj Jug.



PROGRAM UTROŠKA SREDSTAVA VODNIH NAKNADA ZA 2017. GODINU

Općinski načelnik Suad Huskić i Ministar za poljoprivredu, vodoprivredu i šumarstvo ZDK Himzo Smajić potpisali su Sporazum o zajedničkom učešću u realizaciji projekata iz Programa utroška sredstava vodnih naknada za 2017. godinu.

Radi se o finansiranju izgradnje ili rekonstrukcije vodnih objekata od općinskog značaja i to: *Izgradnja vodovoda Tepe-Hrvatinići* (završna faza) i *Vodovod Raduša* (II faza).



Ukupna vrijednost potpisanog Sporazuma je 305 000 KM.

EDUKACIJA PREDSTAVNIKA MJESNIH ZAJEDNICA



U Općini Tešanj održane su dvije edukacije predstavnika mjesnih zajednica na teme: Priprema za izradu nacrtu Budžeta i organizacija javnih rasprava u budućnosti i Rad i postupanje sa NUS-om i pripreme za realizaciju akcije prikupljanja elektronskog i elektroničkog otpada. Ova aktivnost je planirana kroz Plan edukacije čija realizacija ulazi u završnu fazu.

Ovom prilikom, predstavnici Općine i predstavnici mjesnih zajednica zajednički su analizirali dosadašnje aktivnosti te dogovorili zajedničko djelovanje u narednim aktivnostima. Edukaciju su održali Pomoćnik Općinskog načelnika Mensur Saletović, predstavnik Službe za finansije Samir Brka i viši referent za rad sa mjesnim zajednicama Hasan Plančić.

OBILJEŽAVANJE DANA MJESNIH ZAJEDNICA

U minulom periodu, a kroz realizaciju planskih aktivnosti obilježen je Dan MZ Džemilić Planje, MZ Jelah, MZ Vukovo, MZ Bobare-Drinčići-Blaževci, MZ Bukva i MZ Kraševo. Kroz ove manifestacije predstavnici mjesnih zajednica su svojim građanima prezentovali rezultate rada te organizovali razne vjerske, kulturne, zabavne, sportske i druge sadržaje. Zajedničko za sve mjesne zajednice je sjećanje na protekli odbrambeno-oslobodilački rat i one koji su dali najviše što su imali da bi mi živjeli u miru, i nastavili davati svoj maksimum za stvaranje povoljnijih uslova za život i rad građana.



JAČANJE ULOGE MJESNIH ZAJEDNICA U BiH

Predstavnici šest mjesnih zajednica - partnera na projektu Jačanje uloge MZ u BiH i predstavnici Društvenog centra su prisustvovali na brojnim radionicama i edukacijama koje su rezultirale aplikacijom projekata na Javni poziv koji je raspisao UNDP. Urađena je evaluacija projekata - svi projekti ovih MZ su zadovoljili kriterijume koje zahtjeva UNDP. Kandidovane projekte je inženjer (predstavnik UNDP-a), te je uz male korekcije raspisana javna nabavka. Trenutno se očekuje potpisivanje ugovora za aktivnosti na području ovih mjesnih zajednica, a procjenjena vrijednost ugovora je cca 190.000 KM.



Projekat *Jačanje uloge mjesnih zajednica (MZ) u Bosni i Hercegovini (BiH)* je zajednička inicijativa Vlada Švicarske i Švedske, čija je vrijednost 14,5 miliona KM. U aktivnostima prve faze koja će trajati do sredine 2019. godine, učestvovat će 120 mjesnih zajednica i 20 JLS širom zemlje, čime će utjecati na poboljšanje kvalitete života 300.000 ljudi.

PODIJELJENO 66 KOMPOSTERA I 500 KANTI ZA KUĆNI OTPAD

U krugu JP RAD Tešanj upriličena je javna podjela 66 kompostera, dok je u proteklom periodu dodijeljeno i 500 besplatnih kanti za kućni otpad. Realizacijom novih 500 ugovora o zbrinjavanju kućnog otpada, broj korisnika je povećan za 10%. Radi se o projektu koji zajednički realiziraju KP RAD Tešanj, Općina Tešanj i Federalno ministarstvo turizma i okoliša.

Samo prikupljanje i deponovanje otpada je u nekoj fazi reforme, u kojoj bismo trebali preći na regionalne deponije. Mi u Tešnju smo u specifičnoj situaciji, imamo dozvolu za sanitarnu deponiju do 2029.godine, a tada bismo trebali preći na regionalnu deponiju, koja je po nekim projektnim aktivnostima planirana u Doboju. Sami to ne možemo raditi, jer se radi međuentitetski i čini mi se da nešto kasni ta aktivnost za 18 općina, rekao je Općinski načelnik Suad Huskić.

Kompostiranje je prirodna metoda kojom se organski ostaci pretvaraju u plodni humus.



OBIJELJEŽEN 9. SEPTEMBAR - DAN OSLOBOĐENJA OPĆINE TEŠANJ OD FAŠIZMA

Povodom općinskog praznika 9. septembra - Dana oslobođenja općine Tešanj od fašizma položeno je cvijeće na Centralnom spomen obilježju šehidima i poginulim borcima 1992-1995. godina, na bistu narodnog heroja Huse Hodžića i Partizanskom groblju u Tešnju, kao i na spomen obilježja u Jelahu i Tešanjci.

Cvijeće su položili predstavnici Općine Tešanj i boračkih udruženja, mladi izviđači Odreda Crni vrh i predstavnici općinske organizacije SDP-a Tešanj. Nakon polaganja cvijeća, u maloj sali Centra za kulturu i obrazovanje održana je tribina *Holokaust u Tešnju*, a nakon toga i *15. Međunarodna smotra folklor*.



POSJETA DJECE IZ DEVET VRTIĆA SA PODRUČJA OPĆINE TEŠANJ

Povodom općinskog praznika 9. septembra – Dana oslobođenja općine Tešanj od fašizma upriličen je prijem 265 djece iz devet vrtića sa područja općine Tešanj. U Centru za kulturu i obrazovanje djeca su pripremila prigodan program kako bi na najbolji način predstavili svoj vrtić, i Načelniku, kao znak sjećanja na njihov dolazak, poklonili crteže koje su sami izradili.

Tokom posjete, djeca su razgovarala sa Općinskim načelnikom, a imali su priliku posjetiti i kancelariju u kojoj Načelnik radi. Ovom prilikom, Općinski načelnik Suad Huskić poklonio je djeci paketiće, poklon Općine Tešanj povodom Dana oslobođenja općine Tešanj od fašizma.



OPĆINA TEŠANJ IZDVAJA 350.000 KM ZA STIPENDIRANJE STUDENATA

Na prijedlog Općinskog načelnika Suada Huskića, Općinsko vijeće općine Tešanj donijelo je Odluku o izdvajanju 350.000 KM za stipendiranje studenata za novu akademsku 2017/2018 godinu.

Naša podrška stipendiranju studenata je prepoznatljiva, te ćemo i u novoj akademskoj godini biti na visini očekivanja. Javni poziv slijedi uskoro. Ove godine uvodimo neke novine za koje smatramo da su korisne kako za studente, tako i za lokalnu zajednicu. Deficitarna zanimanja će imati veće stipendije, a od iduće godine, zanimanja, odnosno profesije za koje imamo veliki broj nezaposlenih osoba neće biti stipendirana u prvoj godini studija. Nažalost, odsustvo jasne politike u visokom obrazovanju u pogledu broja i vrste fakulteta dovodi nas do toga da mladi biraju fakultete nakon čijeg završka ne mogu naći posao u struci. Zbog toga ćemo mi podržavati ono što stvarno treba tržištu, a ne službama za zapošljavanje, kazao je Općinski načelnik Suad Huskić.

Prošle godine potpisan je ugovor o stipendiranju sa 372 studentice i studenta. Praksa stipendiranja studenata u Općini Tešanj započela je školske 2008/2009 godine. Broj stipendista se povećavao, tako da je u posljednje četiri godine, za ovu svrhu u općinskom budžetu izdvojeno oko 2 miliona KM.

Ubrzan industrijski razvoj tešanske privrede prati povećan interes studenata za tehnička zanimanja. Ipak, mi i pored toga želimo i na ovaj način podstaknuti mlade da studiraju više na tehničkim i drugim fakultetima koji su posebno traženi na tržištu radne snage, i ključni su za razvoj privrede, institucija i ustanova naše općine, istakao je Općinski načelnik Suad Huskić.

Osim ovog programa stipendiranja dodiplomskih studija, Općina Tešanj ima program podrške i za postdiplomski i doktorski studij.



11. SAJAM PČELARSTVA



U organizaciji Udruženja građana pčelara PČELA Tešanj i Udruženja žena RUKA Kalošević, a u saradnji sa Općinom Tešanj održan je 11. tradicionalni Sajam pčelarstva, proizvoda od voća i ljekovitog bilja Tešanj 2017.

Sajam je trajao dva dana na platou ispred Doma kulture u Tešnju. U sklopu Sajma koji je prodajno-izložbenog karaktera, osim pčelara prvi put su učestvovali i travari i proizvođači voćnih delacija sa prostora općine Tešanj (pekmezi, mermelade, sokovi, sušeno voće i dr.).

POTPISANO ŠEST NOVIH UGOVORA ZA NAJBOLJE POSLOVNE IDEJE MLADIH

Općinski načelnik Suad Huskić i Ministar za rad, socijalnu politiku i izbjeglice ZDK Nurđehan Šahinović potpisali su ugovore o poticajima u svrhu pokretanja vlastitih biznisa sa šest budućih poduzetnika - **Muamerom Mešićem** (dubinsko čišćenje namještaja, tepiha ili enterijera automobila), **Semirom Imamovićem** (reparativno zavarivanje obojenih metala i plastike), **Arminom Žilićem** (tapaciranje autoenterijera), **Jasminom Kruškićem** (električar kućanskih aparata), **Esadom Jašarevićem** (automehaničar) i **Himzom Čapljom** (autoelektričar).



U suštini najviše se radi o obrtničkim pozivima, registraciji poslovnih subjekata u obrtničkom aspektu. Za neki naredni period razmišljamo o dodatnoj nadogradnji ovog javnog poziva, pokušavajući da dobijemo neke nove originalnije ideje, da dobijemo poslovnu djelatnost koja nam nedostaje u lancu vrijednosti. Kao Općina, svakako ćemo nastaviti finansirati ove ideje jer se u prošlosti pokazalo da su imale osnova - poslovni subjekti su preživjeli onaj početni period, mladi su stasali u jednu novu generaciju poduzetnika i to svakako opravdava ovakav pristup, kazao je Općinski načelnik Suad Huskić.

Radi se o mladim ljudima koji su izabrani sa liste kandidata koji su se prijavili na Javni poziv za Najbolje poslovne ideje mladih u 2017. godini, ali zbog utrošenih budžetskih sredstava u maju 2017. godine nisu dobili podršku Općine Tešanj. Izvršena je analiza realizovanog dijela programa i utvrđeno je da su od realizacije odustala četiri kandidata koja su bila na listi za finansiranje.

Na osnovu navedene analize i dodatne finansijske podrške Vlade ZDK za razvoj ovog Programa, Općinski načelnik je donio Odluku o novom rangiranju kojom se pored važećih šest ugovora, podrška proširuje za još šest novih poduzetnika.

REALIZACIJA PROJEKATA OMLADINSKE BANKE 2017

Nakon potpisivanja ugovora sa osam grupa mladih vrijednosti 35.000 KM u okviru Omladinske banke Tešanj za 2017. godinu, na terenu se uspješno realizuje sedam projekata. Monitoring tim Općine Tešanj, Fondacije Mozaik i odbora Omladinske banke posjetio je projekte na terenu i uvjerio se u realizaciju, nakon čega je iskazano izuzetno zadovoljstvo urađenim, a posebno, zalaganjem mladih na realizaciji projekata.

Radi se o projektima *Sigurno za dječiji osmijeh*, *Beach rugby*, *Dobra vrba 2*, *Jezero mladih*, *Posvetimo pažnju mladima*, *Veseli park* i *Škola stonog tenisa za djecu i odrasle sa poteškoćama u razvoju* koji se realizuju u mjesnim zajednicama Tešanj, Dobopolje-Mekiš, Jelah, Mrkotić, Piljužići i Trepče. Pojedini projekti su nastavak aktivnosti kroz Omladinsku banku iz ranijeg perioda, ali su rađeni i novi projekti sa novim aktivnostima. Dio projekata je rađen na mjestima koja su bili prepuštena i zanemarena, a sve urađeno čini jednu pozitivnu sliku angažovanja mladih i zajednice u cjelini.



DELEGACIJA TURSKE OPĆINE SELČUKLU POSJETILA TEŠANJ

Delegacija turske općine Selčuklu, koju su činili Pomoćnik načelnika Ali Ziya Yalçinkaya, Direktor odjela za vanjsku saradnju Ajhan Gurbuzer, te članovi Općinskog vijeća posjetili su Općinu Tešanj. Delegaciju su primili Općinski načelnik Suad Huskić, Predsjedavajući Općinskog vijeća Senad Subašić i pomoćnici Općinskog načelnika Hamzalija Hojkurić i Sabahudin Omerbašić.



Saradnja općina Selčuklu i Tešanj traje od 1994. godine, kada je potpisan Sporazum o

saradnji, te je ova posjeta iskorištena za upoznavanje i razgovor o mogućoj saradnji na polju obrazovanja, kulture i ekonomije u narednom periodu. Tokom sastanka, prikazana je i kratka prezentacija Tešnja, kako bi se gosti upoznali sa potencijalima naše općine.

POČELA IZGRADNJA ZGRADE NAMIJENJENE ZA SMJEŠTAJ KORISNIKA KOLEKTIVNOG CENTRA

U Tešnju je ozvaničen početak radova na izgradnji prve zgrade socijalnog stanovanja, a koja se gradi u sklopu projekta *Zatvaranja kolektivnih centara - CEB II*. Korisnici projekta će biti osobe koje danas žive u kolektivnim centrima, a koje su raseljene, povratnici ili druge socijalno ugrožene osobe.

Riječ je o izgradnji zgrade za smještaj 65 osoba u 21 stan na lokalitetu Medakovo, koja, prema planu treba biti okončana u roku od 360 kalendarskih dana.

Ukupna vrijednost Projekta je oko 1.050.000 KM, od čega je učešće Općine Tešanj oko 180.000 KM (vrijednosti zemljišta, projektovanja, komunalne infrastrukture i nadzora), dok vrijednost radova iznosi 883.807 KM.



U Tešnju je 1992. godine, dakle, prije 25 godina boravilo 30.000 izbjeglica pretežno iz Doboja, Teslića, Dervente i okolnih općina. Drago mi je da smo danas u situaciji da ćemo ovim projektom završiti rješavanje smještaja raseljenim osobama i na ovaj način im vratiti dostojanstvo. Istovremeno, uklanjanjem izbjegličkog naselja koje je smješteno u Poslovnoj zoni Bukva, u Tešnju će doći do novih lokacija za investiranje, rekao je Općinski načelnik Suad Huskić.

Zvaničnom početku radova u Tešnju su prisustvovali koordinator projekta Zatvaranja kolektivnih centara – CEB II u ime Ministarstva za ljudska prava i izbjeglice BiH Edina Imamović, Federalni ministar za raseljene osobe i izbjeglice Edin Ramić, Ministar za rad, socijalnu politiku i izbjeglice ZDK Nurdehan Šahinović i Direktor Fonda za povratak BiH Nebojša Švraka.

PROVOĐENJE PREVENTIVNIH MJERA ZAŠTITE OD POPLAVA

U skladu sa vanrednim i planskim aktivnostima na provođenju preventivnih mjera zaštite od poplava u 2017. godini, završeno je čišćenje i uređenje korita potoka Lužnjak u MZ Miljanovci-Lončari u dužini od 1.250 metara, Ježevac u MZ Bobare-Drinčići-Blaževci i MZ Kalošević u dužini od 2.500 metara, rijeke Radušice u dužini od 130 metara i rijeke Tešanjke u dužini od 150 metara. Ukupna dužina, do sada očišćenih vodotoka u 2017. godini je oko 4.030 metara.

Ovo je nastavak redovnih aktivnosti na provođenju mjera zaštite od poplava koje treba da osiguraju bržu distribuciju vode kroz vodotoke, a samim tim i zaštitu stambenih i drugih objekata.



SANACIJA KLIZIŠTA

U toku je sanacija šest klizišta na području općine Tešanj koji su putem javne nabavke ugovoreni sa preduzećima *Dobojputevi dd Doboj jug*, *Trans-Kop d.o.o. Rosulje, KM-Gradnja d.o.o. Miljanovci* i *Hajdić d.o.o. Maglaj*. Do sada su urađena klizišta u Lepenici, Džemilić Planjama i Medakovu, a u toku je sanacija klizišta Ošljak. U narednim danima bit će sanirana i klizišta u Šijama i Mrkotiću.



PRIKUPLJANJE ELEKTRONSKOG I ELEKTRIČNOG OTPADA

Općina Tešanj je tokom mjeseca septembra u saradnji sa mjesnim zajednicama provela akciju prikupljanja električnog i elektronskog otpada (EE otpad). Ovo je druga godina kako se provodi navedena akcija, a tokom akcije je prikupljen 421 komad raznih vrsta EE otpada. Zbrinjavanje prikupljenog otpada je realizovano putem preduzeća *Eko servis d.o.o. Tešanj*



OPĆINA TEŠANJ



**AKCIJA
PRIKUPLJANJA ELEKTRONSKOG I ELEKTRIČNOG OTPADA**

U kategoriju EE otpada spada

1. Veći kućni aparati:

- veći aparati za hladnjače,
- frižideri, zamrzivači,
- veš mašine, mašine za sušenje,
- mašine za posuđe,
- električni šporovi, rade stacionarne vrste,
- električni uređaji za grijanje,
- električni ventilatori.

2. Mali kućni aparati:

- usisivači, pegle, električni aparati za pranje, mlazovi za kupaonice,
- aparati za šišanje i vobler je kava.

3. Oprema za IT i telekomunikacije:

- lični računari (CPU – centralna procesorska jedinica, RAM, monitor) i tastatura, personalni računari, laptop, računari, notebook, štampači, ogrevači za kopiranje,
- električne mašine za kucanje, džepni i stolni kalkulatori,
- telefaks, telefoni (bežični, mobilni).

4. Oprema za zabavu i elektroniku:

- radio i TV prijemnici, videokamere, videorekorderi i audio uređaji.

5. Kućne i elektronske svjetiljke:

- bežične i bežične, testere, osuše za varenje, fenjice i slično.

6. Oprema za arhiviranje:

- svjetiljke za fluorescentne svjetiljke, svim svjetiljke u domaćinstvu i tipične fluorescentne svjetiljke, kompaktne fluorescentne svjetiljke, visokonaponske svjetiljke, uključujući i visokonaponske svjetiljke sa najvišom nivoom povera i netačkastim svjetlacima, niskomagnetske svjetiljke za namjensku parafaru.

EE otpad je sklapanje stvari za sve opasne materije i elektronski uređaje, oprema, uključujući sklopene i razne dijelove potrošnje, uređaja koji nisu namijenjeni i dopunjavani.

EE otpad spada pod opasni otpad zbog opasnih komponenti koje sadrži, kao što su: kadmij, krom, srebro, arsen, kobalt, selen, sumpor, bakra, fluor, Al i on daje od oko 10% do 15% težine na kromirani otpad.

Prikupljanje EE otpada će se vršiti u

Lokacije prikupljanja EE otpada

MZ _____

u dane _____ 2017. godine

EE OTPAD JE OPASAN PO ZDRAVLJE LJUDI I PO OKOLIŠ





OPCIMA TESSUTA

OPCIMA TESSUTA

Photo by: DENIS LISUL - TELESOFT computers d.o.o.